

78. Florumque pluvia ex arbore cœlesti in ejus ædes decedens, prima quasi perfunctio erat cærimoniarum, apud eventum faustum perficiendarum.

79. Pueri illi, omnibus ritibus ornati, nutricum lac bibentes, crescebant una cum patris gaudio, quasi cum ipsorum fratre natu maximo.

80. Innata illorum modestia institutione augebatur, ut proprius flammæ splendor butyro sacro.

81. Illi, non sibi invicem oppositi, puram illam RAGHUIS stirpem abunde collustrabant, sicut anni tempora deorum sylvam.

82. Quamquam idem amor fraternus inter omnes regnabat, tamen RÁMAS cum LAKSHMANA, æque ac BHARATAS cum SATRUGHNA mutuo amore par faciebant.

83. Eorum binorum unanimitas nunquam dividebatur, æque ac venti et ignis, seu lunæ et oceani.

84. Illi civium domini dignitate sua ac modestia civium animos capiebant, sicut sub æstus finem dies nubibus obducti.

85. Soboles illa regis, quadrifariam divisa, splendebat, ac si Honestum, Utile, Dulce, atque Liberatio æterna corpore induta in terram descendissent.

86. Illi, patris amantes, virtutibus suis patrem exhilarabant, æque ac magni oceani margaritis suis hunc quattuor plagarum dominum.

87. Veluti deorum elephantus dentibus suis, *Daiyorum* ensium aciem fragentibus; veluti probitas suis agendi rationibus, quarum adhibitio propositi adeptione indicatur; veluti HARIS brachiis suis, *yugum* longis: sic hujus partibus illis quattuor splendebat regum princeps.